

## ياسر نجم : يهكم تعرف آخر أخبار مشروع فنكوش قناة السويس ؟



الاثنين 6 أبريل 2015 12:04 م

كشف الدكتور ياسر نجم - الباحث السياسي - عن إستدانة هيئة قناة السويس لعدد من المليارات لسد العجز في إقامة المشروع لافتاً إلى أن هذه الديون ستكون عبئاً على شهادات إستثمار القناة .

وقال نجم في تدويته : بص يا سيدي مش هم شفتوا 60 مليار جنيه من مدخرات المصريين في البنوك لحساب المشروع ؟ - مش هم قالوا: المشروع مش هايجب ايرادات قبل سنة 2023 ؟

- مش هم قالوا: هاندي المواطنين فوايد 12% من ميزانية الدولة وبعدين رجعوا قالوا: هانديهم من ايرادات هيئة القناة ؟

- مش السيسي قال: لازم نخلص المشروع في سنة بدل 3 سنين والخبراء حذروا ان ده معناه زيادة التكلفة أضعاف مضاعفة إلى درجة (خراب البيوت)؟

- مش السيسي قال ان المشروع هايبقى بأيدي مصرية فقط ؟ وأضاف: خد عندك بقى الجديد .. هيئة قناة السويس جابت آخرها من المشروع هيئة قناة السويس (استلفت من البنوك) 3 مليار جنيه من أسبوعين ومقدمين على (قرض) جديد ب3 مليار كمان يعني 6 مليار في أسبوعين فقط قروض فوق ال60 مليار علشان يلاحقوا على مصاريف الشركات (الأجنبية) بكراكاتها اللي استجلبوها علشان ينجزوا ولسه المشروع بيقول: يا هادي والقروض دي طبعاً بفوايد تسدد بالدولار هاتبقى عبء رهيب فوق عبء فوايد شهادات ال60 مليار مش بس كده ؟

- أيقنوا انهم مش هايخلصوا المشروع في خلال سنة طبعاً ده اسمه هلس

- وتابع : اخترعوا حاجه اسمها (المرحلة الأولى من مشروع القناة الجديدة) هايخلصوه في أغسطس علشان السيسي يتصور وهو بيفتتحه ويبقى منظره انه نفذ وعده "بحسب قوله" .

وأنتهى كلامه قائلاً: آه بالمناسبة ده مش نقلاً عن قناة من قنوات الإخوان ده كلام مميش شخصياً ورسمياً